

菩薩內習六波羅蜜經
菩薩飼虎起塔因緣經

二百二
行一

48779



元祿九年丙子二月日重脩

皇圖 瓊 固 帝 潛 銀 昌

佛 日 增 輝 轉 輪 常 轉

山城州天安寺法金剛院置

石表

二經合卷

菩薩內習六波羅蜜經

菩薩飼虎起塔因緣經

菩薩內習六波羅蜜經

後漢沙門嚴佛調譯



佛言欲學菩薩道者當從此始謂一數二隨

三上四觀五還六淨

佛言一數為檀波羅蜜數息者神得上天為

布施身中神自致得須陀洹斯陀含阿那含

阿羅漢辟支佛得作佛是為內檀波羅蜜為

布施得度

佛言二相隨為尸波羅蜜意與心相隨俱出

入不邪念意不轉為不犯道禁是為內尸波
羅蜜為不犯道禁得度

佛言三止為羸提波羅蜜意欲姪怒瞋恚能
忍不為口欲可肥美味身欲得細滑自創意
能忍不受是為內羸提波羅蜜為忍辱得度
佛言四明觀為惟逮波羅蜜內觀三身體外
觀萬物皆當壞敗無有常存不復貪心向道
念無為常分別不懈怠是為內惟逮波羅蜜
為精進得度

佛言五還為禪波羅蜜六入還五陰何謂
六入色入眼為衰聲入耳為衰香入鼻為衰
味入口為衰細滑入身為衰多念令心衰是

為六入亦為六衰亦為五陰

何謂五陰色陰痛痒陰思想陰生殊陰識陰
是為五陰還身守淨斷求念空是為內禪波
羅蜜而守一得度

佛言六淨為般若波羅蜜知人萬物皆當消
滅意不淨向生死愛欲斷心淨潔智慧成就
是為內摩訶般若波羅蜜從點慧得度

問曰何等為檀何等為尸何等為羸何等惟
逮何等禪何等為般若何等為波羅蜜

佛言檀為布施尸為持戒羸為忍辱惟逮為
精進禪為棄惡般若為點慧波羅為從生死
得度蜜為無極是為六波羅蜜

問曰何以故正有六波羅蜜

佛言若人有姪怒瞋恚愚癡故行布施為陰
惡貪持戒為陰姪怒忍辱為陰瞋恚精進為
陰懈怠一心為陰亂意智慧為陰愚癡用欲
去六事故作是六波羅蜜

佛言人有六匿賊盜斷惡故作檀波羅蜜主
制身尸行波羅蜜主制眼羸提波羅蜜主制耳
惟逮波羅蜜主制鼻禪波羅蜜主制口般若
波羅蜜主制意

問曰何以故身應檀波羅蜜

佛言人索頭與頭索眼與眼索肉與肉投身
餓虎是為布施故屬檀波羅蜜

問曰何以故眼應尸波羅蜜

佛言眼不隨色意不亂念是為持戒故屬尸波羅蜜

問曰何以故耳應羸提波羅蜜

佛言耳聞惡聲不瞋恚是為忍辱故屬羸提波羅蜜

問曰何以故鼻應惟逮波羅蜜

佛言鼻知息出入常守不離是為精進故屬惟逮波羅蜜

問曰何以故口應禪波羅蜜

佛言口不罵詈不兩舌不妄言不綺語是為

寂然故屬禪波羅蜜

問曰何以故曰意應般若波羅蜜

佛語阿難汝曹為道常當曉了知定諸垢濁

穢清淨自然不起不滅悉斷諸根諸根斷已

不得復生

為道者當發平等廣度一切施立法橋當令

一切得入法門廣作唱導無端無底無形無

聲行無邊無陰無上無下立教當施本無之中

持法當使如來求道當在施心心意不正道

亦不生立行當於本無之中垢濁以陰內外

清淨從淨見明以致自然已現是空之淨淨

而復淨空而復空空無所有是乃為道道之

本無無所倚著上無所攀下無所據左無所

牽右無所持自然而立清淨為本空空之空
故曰泥洹於有而無所有故為有於無而不
無是為無於得而無所得是為得也

第一發意菩薩

第二持地菩薩

第三應行菩薩

第四生貴菩薩

第五修成菩薩

第六行登菩薩

第七不退轉菩薩

第八童真菩薩

第九了生菩薩

第十補處菩薩

菩薩內習六波羅蜜經

行



菩薩投身飼餓虎起塔因緣經

北涼高昌沙門法盛譯

如是我聞一時昔佛遊乾陀越國毗沙門波
羅大城於北山巖蔭下為國王大臣人民及
天龍八部人非人等說法教化度人無數教
化垂畢佛便微笑口出香光光有九色遍照
諸國香熏亦爾時諸大眾覩光聞香皆大歡
喜時行光明還繞佛七匝復從口入爾時阿難
整衣服長跪叉手白佛言今者世尊現奇瑞
相必有因緣多所饒益衆生蒙祐惟願天尊
說其因緣

佛告阿難如汝所說諸佛蜜口凡所現相皆
有因緣汝欲聞乎阿難曰唯天中天

佛告阿難過去九劫時世無佛有一大國名
乾陀摩提王名曰乾陀尸利夫人名曰釵摩
目佉太子名曰旃檀摩提其國廣博豐樂饒
人人壽千五百歲太子福德天下太平無偷
劫賊人民和順不相剋伐太子慈仁聰明智
慧貫練群籍及九十六種道術威儀靡不週
達少小已來常好布施於身命財無所遺惜
慈育衆生甚於赤子大悲普覆平等無二孝
養父母禮儀備舉爾時父王為太子去城不
遠造立園觀其園縱廣面八由旬列種華果
奇獸異鳥清淨嚴麗處處皆有流泉浴池池
中常有優鉢羅華鉢頭摩華拘物頭華分陀

利率及餘種種赤白蓮華孔雀翡翠鸚鵡鴛
鴦遊戲其中清涼香潔微妙第一

爾時太子與群臣百官及后妃采女導從前
後詣園遊戲經一七日迴駕還宮爾時國界
有貧窮孤獨老病百疾聞太子還悉來在道
側張手向太子太子見已即以身瓔珞服飾
及金錢銀錢車乘象馬悉用布施及至城門
無復餘物貧者猶多恨不周足太子還宮念
諸貧人憂不能食王問太子為恨何也太子
答曰近出遊觀見諸貧人來在道側求索所
乏即以身所有施之猶不周足故自愁耳今
欲從大王乞中藏賤物周給天下不審大王

賜所願不王言國家庫藏防備緩急不宜私
用於是太子所願不果愁倍於前太子傍臣
名曰聞耶見太子不食悲感懊惱長跪叉手
白太子言臣有金錢十千奉上天天隨意所
用願莫憂貧飲食如先錢若不足臣當賣身
供奉上天於是聞耶即以金錢十千奉上天
太子使人持錢出城布施盡十千數猶不
得周還白太子金錢已盡貧者尚多
於是太子即使傍臣料檢私藏復得金錢千
千布施貧者猶不充足太子自念夫人之苦
皆由貧窮求不得苦今當自賣所愛之身救
彼人苦令得安樂思惟是已却珍寶衣著凡

故服黥出宮城投適他國名裴提舍自衞賣
身與一婆羅門得千金錢即以此錢施諸貧
人時婆羅門使奴將車入山斫樵施市賣之
經於多時後復取薪乃於山中得牛頭栴檀
一段重一百斤時彼國王本有癩病醫方咒
術不能令差王便怒曰用醫何為夫人百病
皆行有對治之藥而我此病何獨不蒙六令牧諸
醫於市斬刑

時有一醫叩頭白王言今王此病對治之藥
世間難有雖有其名未曾得見王曰藥名何
等答曰牛頭栴檀王曰夫人罪福業行不同
自有福人設有此藥即教宜令天下誰有此

藥當分羊國從其市之

時婆羅門喚奴語曰你從來賣薪雖獲微直
不如今者富貴之利國王有病今以半國市
牛頭栴檀汝今可賣此栴檀往奉大王必得
如意吾當與汝共同此樂也

時奴便持牛頭栴檀奉上國王王得之已磨
以塗身癩病即愈王大歡喜舉國臣民各蒙
慶賴即召群臣大設施會放赦囚徒布施貧
乏上下和樂王使大臣破羊宮殿及所領國
民金銀珍寶錢財穀帛奴婢車乘象馬牛羊
悉皆分半莊嚴寶車百乘馬騎千足作倡妓
樂香華幢幡百味飲食迎奴還國即便請之

共坐寶牀作倡妓樂飲食娛樂

王問奴曰見卿福德威相有殊於世何緣處
賤願聞其志

奴曰甚善卿欲聞者今當說之如卿所疑吾

本非奴卿頗曾聞乾陀摩提國王有太子名

拏檀摩提好布施不答曰我數聞名但未曾

見耳行曰吾便是也其王聞已倍更敬重下曰何

緣致是太子曰吾好布施盡國財物不足周

用窮者猶多本願不遂是以捨國自賣身耳

王曰夫人宿行隨業受報修善則樂行惡則

苦非卿所為非父母與何乃虧國大望處險

涉難如此之事天下少有必有異見願聞其

志太子答曰吾本發意誓度群生行諸波羅
蜜志求菩提

王曰善哉甚大隨喜太子語王今以國還卿
唯求一願當不見違答曰所願何等太子曰
欲得中藏錢財之物以周給天下貧窮孤老
疴羸百疾恣意布施滿五十日其中功德與
卿共之

王曰甚善錢財之物隨卿施用所賞半國是
卿功分吾不敢受太子曰善卿以財施我我
以國奉卿我好布施卿之樂國人物殊性志
欲不同王曰此行弘深非吾所及卿得道時
願見濟度

太子即遣使宣告諸國若有貧窮孤老疋羸
之者悉令來會爾時太子使人開諸庫藏運
輦賫物於平坦地布施貧人滿五十日貧者
得富莫不歡喜

爾時太子委國去後群臣驚怖啼哭白王昨
夜忽亡太子不知所在王聞是語從床而落
迷不識人夫人宮中后妃媵女及諸臣佐莫
不驚怪悲感懊惱舉聲号叫奔出四向追覓
太子

時王夫人懼失太子忽忽如狂即與后妃褰
裳被髮奔走出城東西馳逐尋覓太子
王恐夫人念子懊惱或能致命即與群臣嚴

駕出城追覓夫人并太子消息去國十里於
空澤草中乃見夫人從數宮女椎胸涕泣頭
亂目腫披擘草叢求覓太子其王見已更增
悲結前捉夫人手涕泣交流諫夫人曰吾子
福德慈考布施與物無怨盡以財物布施天
下猶不周足常懷悔恨無物施用子今蜜去
必投他國求財布施或洎賣身周給貧苦且
兵還宮勿大憂愁吾今當遣使到諸國中訪
問消息必得子還夫人罵曰由王慳貧護惜
錢財不念我子今寧可以錢財為子身不王
曰吾失在先今悔何及且兵還宮保不失子
今當躬身四出求索要當子還夫人垂淚曰

今失我子用生何為寧死於此不空還也我
觀子身不知飢渴雖遭大苦不以為患今還
守宮何所怙恃於是太子后妃被髮亂頭号
天叩地四望顧親不見太子号天叩頭飲淚
而言天地日月父母靈神若我有罪今悉懺
悔願與我大天早得相見於是國王強牽夫
人及太子后妃車載還宮太子爾時遙在他
國兩目手足三返睜動心中愁怖似有忘失
即辭彼王還歸本國王令傍臣莊嚴寶車百
乘馬騎千匹金錢十千銀錢十萬王有五百
大臣人各金錢十千銀錢十萬以贈太子王
與群臣十千萬人送太子到國界頭施設大

會歡喜相謝於是別去太子惟曰從小以來
足不妄動目不妄睨吾前出國不辭父母必
是父母及國人民恐失我故憂愁若惱今當
速去令知消息又復惟曰道途曠遠不可卒
到恐我父母哀念情重或喪身命當作何方
令得消息速達時有鳥鳥善能人語白太子
言仁德至重恩潤普及憂何不辨欲何所為
吾當助之太子答曰欲託一事願見不違鳥
曰奉命太子曰煩卿送書與我父母鳥曰宜
急今正是時太子作書以授與鳥鳥口銜書
飛到本國以書置王前王披書讀知太子消
息甚大歡喜即起入宮語夫人曰如吾語卿

知不失子不過數日必得見子夫人聞已如
死還蘇拍手稱善曰今一切天下安隱快樂
所願皆得壽命無量爾時國中群臣豪族男
女大小聞太子還皆稱萬歲王即與群臣數
千萬人嚴駕導從出迎太子道路相逢太子
見父即下寶車前接足禮啓白父王自道不
孝枉屈尊神驚動國界幸蒙厚恕王曰甚善
父子相見悲喜交集迴駕還宮舉國民庶莫
不歡喜遠方諸國貧窮乞人聞太子還多得
錢財皆從遠來詣太子乞太子使人擔輦錢
物於道路頭平坦空地布施貧人一年之中
日日不絕四方來者皆得如意爾時父王與

諸大臣語太子曰從今已往國藏珍寶隨所
須用莫自疑難夫施之德遠近所重怨敵惡
人聞太子功德者自然修善爾時有五通神
仙道士名曰勇猛與五百弟子在此山上大
巖窟中修禪行道志求菩提欲度衆苦教化
天下皆令修善爾時太子拏檀摩提賣持種
種百味飲食上山供養諸仙道人於時仙師
咒願太子因為說法太子心喜志樂無為不
欲還國顧惟宮室生地獄想妻子眷屬生扭
械想觀五欲樂為地獄想思惟是已即解瓔
珞嚴身上服及車馬人從悉什傍臣遣令還
國於是太子被鹿皮衣留住山中從師學道

鑽尋道術時太子傍臣還國白王太子上山
供養仙人留彼學道不肯還宮經書咒術悉
令通達自要當還王曰一何苦哉世人得子
以致歡樂憑賴老時益國陰患吾得此子常
懷憂苦不欲富貴不親眷屬此之惱子何道
之有行一即召群臣共論此事諸臣啓曰太子好
道不貪世榮志樂無為十一既不還國非可如何
王宜遣使審定其意必不還者當量其宜王
即遣信往問太子吾今待子如渴思飲停留
山中不還何意今夫人后妃揮涕留塗悲号
懊惱不自任處夫子道安親不宜若逆隨使
必還使者受命旨白如是太子答曰萬物無

常欣不久存室家歡娛離別則苦性命由天
 不得自在無常對至雖有父子不得相救今
 求無為欲度衆苦得道之日先度父母今此
 處不遠亦當時往奉觀目下此志已定王宜
 更計續立國嗣還信白王具說上事王即召
 集群臣更立太子時王夫人與太子后妃妹
 女等從費持太子衣服嚴身之具及種種甘
 美飲食香華妓樂導從前後上山到太子處
 飯諸仙衆因迎太子夫人曰夫種穀防飢掘
 井待渴立郭防賊養子侍老汝今不還吾命
 不全太子長跪白夫人曰捨家處山改形易
 服如唾出口不中食用閑居道士於國無施

理分已定非可改移寧碎身於此終不還也
願母時還尋爾修覲於是夫人及太子后妃
見太子志意堅固無有還意悲哭懊惱隨路
而歸於時國王惟望夫人得太子還與諸群
臣出城迎待唯見夫人與太子后妃被髮亂
頭推曾号叫隨路空歸王益不樂群臣萬象
莫不涕淚迴駕還宮於是國主諫謝夫人及
太子妻吾子好道世間難有慈育普濟莫不
蒙恩此國之寶非凡器也今樂山居以修其
志但令安隱時復相見今且與子相去不遠
餉致飲食消息往來可以自慰於時夫人得
王諫已憂憤小歇時時遣人賫持飲食及諸

耳果種種美膳往到山中供養太子如是多年太子亦時時來下問訊父母乃復還山修道其上下有絕崖深谷底有一虎新生七子時天大降雪虎母抱子已經三日不得求食懼子凍死餓守護子雪落不息母子飢困喪命不久虎母既為飢火所逼還欲噉子時山諸仙道士見此事已更相勸曰誰能捨身救濟衆生今正是時太子聞已唱曰善哉吾願果矣往到崖頭下向望視見虎母抱子為雪所覆生大悲心立住山頭寂然入定即得清淨無生法忍觀見過去無數劫事未來亦爾即還白師及五百同學吾今捨身願各隨喜

師曰卿學道日淺知見未廣何忽自矢捨所
愛身太子答曰吾昔有願應捨千身前已曾
捨九百九十九身今日所捨足滿一千身是
故捨耳願師隨喜師曰卿志願高妙無能及
者必先得道勿復見遺太子辭師而去於是
大師與五百行一神仙道士涕泣滿目送太子到
山崖頭時有富蘭長者將從男女五百十三餘人
賈持飲食上山供養見太子捨身悲感啼哭
而隨太子至山崖頭於是太子在衆人前發
大誓願我今捨身救衆生命所有功德速成
吾提得金剛身常樂我淨無為法身未度者
令度未解者令解未安者令安我今此身無

常苦惱衆毒所集此身不淨九孔盈流四大
毒蛇之所蜇螫五拔刀賊追逐傷割如此身
者為魚返復可膳美味及五欲樂供養此身
命終之後無善報慰反墮地獄受無量苦夫
人身者唯應令苦不得與樂太子種種呵責
其身諸惡過咎已又發誓言今我以血肉救
彼餓虎餘舍利骨我父母後時必為起塔令
一切衆生身諸病苦宿罪因緣湯藥針灸不
得著者來我塔處志心供養隨病輕重不過
百日必得除愈若實不虛者諸天降雨香華
諸天應聲即雨曼陀羅華地皆震動太子即
解鹿皮之衣以纏頭目合手投身虎前於是

母虎得食菩薩肉母子俱活時崖頭諸人下
向望視見太子為虎所噉骨肉狼藉悲号大
叫聲動山中或有推胷自撲宛轉卧地或有
禪思或有叩頭懺悔太子

爾時首陀會諸天及天帝釋四天王等日月
諸天數千萬眾皆發無上菩提之心作倡妓
樂燒香散華曼陀羅華供養太子十四而唱是言
善哉摩訶薩埵從是不久當坐道場如是三
唱已各還天宮

五百仙人皆發無上正真道意神仙大師得
無生忍王及夫人明且遣使齎持飲食上山
餉太子到住常石室唯見卧具鹿皮衣傘蓋

鉢盂錫杖水瓶澡罐悉在室中不見太子周
遍問人無有應者唯見仙人十十五五相向
涕泣到大師所唯見仙師以手拄頰涕淚滿
目呻吟而坐周徧推問無肯應對使者怖懼
即以飲食施諸仙士走還白夫人具說上事
夫人曰不見我子見諸仙不答曰但見仙士
十十五五相向涕泣夫人曰禍哉吾子死矣
推胷大叫奔走諸王王聞是已從牀而落迷
不知人群臣萬衆來集王側叩頭諫曰太子
在山未審虛實何為哀慟願王小息於是王
及夫人后妃嫠女臣佐吏民褰裳徒跣奔走
上山爾時長者富蘭亦逆來告王曰太子昨

日投身巖下以肉飼虎今餘骸骨狼籍在地
於是長者即引導王到太子屍處王及夫人
后妃嫔女群臣吏民舉聲悲哭震動山谷王
與夫人伏太子屍上心肝斷絕悶不識人妃
前扶頭理太子髮心肝摧碎啼哭聲噎曰一
何薄命生亡我尊今日永絕不復得見寧令
我身行碎如塵粉不令我天奄忽十五如今太子已
死我用活為時群臣白王太子布施誓度群
生無常殺鬼所侵奪也未及臭爛宜設供養
即收骸骨出山谷口於平坦地積拊檀香及
種種香木諸香蘇油繒蓋幢幡以用閣維太
子收取舍利以寶器盛之即於其中起七寶

塔種種寶物而在莊校之其塔四回縱廣十里
列種種華果流泉浴池端嚴淨潔王常令四
部故人晝夜供養娛樂此塔

佛告阿難爾時太子者我身是也時父王者
即今父悅頭檀是時夫人者母摩耶是爾時
后妃今瞿夷是時大臣闍耶者阿難是爾時
山上神仙大師者彌勒是也裴提舍王者難
陀是也時婆羅門者羅雲是也弥勒菩薩從
昔已來常是我師以吾布施不惜身命救衆
生故超越師前懸較九劫今致得佛濟度無
極佛說是時天龍及人八萬四千皆發無上
平等道意八千比丘漏盡結解得應真道王

及群臣天龍鬼神聞佛說法皆大歡喜禮佛而去

菩薩投身飼餓虎起塔因緣經

行一

行一

爾時國王聞佛說已即於是處起立
大塔名為菩薩投身餓虎塔今現在
塔東面山下有僧房講堂精舍常有
五千衆僧四事供養法盛爾時見諸
國中有人癩病及癲狂聾盲手脚躄
跛及種種疾病悉來就此塔燒香然
燈香泥塗地修治掃灑并叩頭懺悔
百病皆愈前來差者便去後來輒尔

常有百餘人不問貴賤皆爾終無絕

時

二經合卷釋音

菩薩內習經

羸提上初鷹初惟逮下音痛痒下音養點八閑

及匿及召力倡導上音唱道下音道

菩薩飼虎經

飼音奇群籍下才靡緬彼園觀下音縱廣上足行一

容及翡翠上房未及鵠及鵠交導下音從下音車乘上音

居下時街音斫樵上之若及令差上平聲夫

人上音百乘下音馬騎下音我數下音疋羸

上鳥荒及號叫上音賽去音推直音披下音

奄	頰	及	俱	自	及
於	下	及	妹	要	麥
檢	古	及	蜚	音	暘
盛	帖	及	螫	邀	動
之	及	及	釋	也	上
成	及	及	又	住	而
音	上	及	呼	處	枉
蹙	音	及	各	呂	紆
跛	徒	及	及	尺	往
下	跌	及	撲	嗣	杻
布	典	及	蒲	音	械
火	及	及	角	掘	上
及	推	及	澡	渠	音
	自	及	鑊	月	丑
	雷	及	二	餉	下
	壹	及	貫	尚	鑽
	於	及	字	及	子
	結	及	拄	詩	官
				憤	

行一

山城國綴喜郡薪村

靈瑞山嗣恩菴沙門宗桂書寫之

上

十七

